

կայսր վասն նոցա : Փոյթ լիցի քեզ այսուհետեւ եղբայր մեր , զի լուիցես և ցուցցես ինձ թէ զինչ հրաման տայ կայսր վասն այսորիկ , զի ահաւասիկ առ ձեզ է արքայ յիտալիա , եւ զպատճէն թղթոյն զոր առաքես առ մեզ , ուղղեսցես եկեղեցւոյդ Եփեսոսի առ Յովհաննէս որդին Ձերեթեայ , եւ եկեղեցւոյն Անտիոքայ առ Սիմոն վիմի . եւ ես առաքեմ զպատճէն նորա յեկեղեցին Աղեքսանդրի առ Մարկոս աւետարանիչ :

Եւ Սողոս որ եղև մեր ընկեր և գործակից 'ի Թեսաղոնիկէ , եւ զայս գրեցի առ քեզ զի գիտասցես և հեռաւորք զնենդութիւնս Հրէից , որ ոչ հաստատեցան : Բայց Փիլիպպոս և Սենեկոս և Յաւստոս և Դեւի և Ասիրէ և Յուդայ , դպիրք անուանիք Հրէից հանդերձ այլովք ընկերօք իւրեանց , եկին դարձեալ առ իս և խոստովան եղեն 'ի Քրիստոս և ընկալան զմկրտութիւն , եւ ահա մաքառին 'ի գրոց մարգարէից ընդ որդիս ժողովրդեան իւրեանց . բայց Գաւմաղիէլ աւագ քահանայից նոցա , ոչ ուրանալով ուրանայ 'ի Քրիստոսէ իբրեւ զորդիս ազգի իւրոյ յայտնապէս , եւ ոչ խոստովանելով խոստովանի այժմ իբրեւ զմեզ , և որք կամին չարախօսել զմէնց յորդուց ժողովրդեան իւրեանց , ոչ ընդունի զնոսա , այլ 'ի լուութեան և 'ի հանդարտութեան է , մանաւանդ զի ետես եթէ զկնի վերանալոյ Տեառն մերոյ առ Հայր իւր , որպէս թուաւ աւետարանն նորա ընդ ամենայն տիեզերս իբրեւ զայս արեգական որ սխուեալ է ընդ ամենայն արարածս , և ահա երկրպագի յամենայն հեթանոսաց և փառաւորի յամենայն լեզուաց , և 'ի ձեռն խորհրդոյ Մարմնոյ և Արեան իւրոյ , զոր ետ մեզ եւ խնամէ զերկրպագուս իւր եւ ոչ թողու զնոսա մինչեւ կատարի այս աշխարհ եւ երեւի այն աշխարհ , որոյ չիք կատարումս սկզբան նորա . զայս զոր դու ինքնին գիտես : Ողջոյն տուր Նիկանովրայ և Պարմենայ և Ոնեսիփորայ և եկեղեցեաց ամենեցուն որ այդր են եւ քահանայից առաջնորդաց նոցա : Ողջոյն առ յեկեղեցւոյս Երուսաղէմի որ աստ է , եւ սպասեմ եւ ակն ունիմ , զի գրեսցես առաքեսցես ինձ զպատճէն բանիցս այսոցիկ 'ի ձեռն Ասիսղիսեա :

Գրէ Տէրաուղիանոս առ Եւսեբեաւ թէ Պիղատոս ծա-